

絳雪山房詩鈔



絳雪山房詩鈔卷十八

乙巳元旦

君恩深許住鄉關  
筓鬢團笑語環  
窻紙影侵霞五色  
庭花香撲屋三間  
拾來松子添詩料  
斟罷椒觴有醉顏  
六十年身健在  
自攀蘿磴看春山

湧泉寺僧送牡丹

櫻桃作態未抽芽  
寂寞蕭齋蝶不譁  
多感穿雲僧白足  
一肩香露送名花

連朝薄霧散東風  
酥雨霏霏潤更工  
忙到小奚還解事  
哥

絳雪山房詩鈔卷十八

咨揀色供新紅

蒼荀旃檀味不分  
帶來劣削嶺頭雲  
也知米汁禪門戒  
多事沈香醉夕曛

魏紫鞞紅價自高  
金花牋上灑宣毫  
夜來十色珠燈影  
照耀詩人蜀錦袍

偶成

松檜喧初淪茗芽  
芭蕉青又掩窻紗  
疎煙疎雨催寒重  
開到春風寶相花

曉起東園作

晨興未巾櫛  
選石坐池塘  
一水照空影  
萬葉明朝陽  
游魚

福州楊慶琛 雪菜

三五寸灑澗依其傍微風忽吹來樓閣搖中央鬚眉不可  
寫但見雲蒼蒼

石榴紅欲燃梧桐碧如漲濃露猶在樹百鳥弄清吭琅琅  
兒讀書聲乃與之抗爐有百和香几無一塵障又報僧送  
花半肩香色餉

空階一夜雨芭蕉葉葉張小者碧浮檻大者青壓牆參差  
石竇間透出晴曦光屈曲篆蛇蚓上有字數行安得枯茗  
枝一破綠天荒

銀鹿頗解事擎到一甌粥相距盈尺聞其氣已先馥何曾  
日萬錢無此清脩福適口亦充腸清耳復明目何來覲睨  
絳雪山房詩鈔

卷十八

二

聲庭前櫻桃熟

雲影忽在地仰見松排空謾謾千青釵突兀凌天風移得  
綠萼梅伴此歲寒翁美人與名士相對曉煙中迴笑桃李  
花爛漫拾殘紅

隙地餘數弓補種瀟湘竹不獨秋聲佳春煙亦濃掬初日  
光入簾千个字盈幅眠琴橫綠陰巖泉漱茅屋曷哉君子  
心前修誦洪澳

卽事

碎冰簷角戛丁東涼氣侵燈夜色空睡起鳥聲送殘雨滿  
階狼藉石榴紅

壬戌七友圖爲張辛田大令題

圖作於道光己丑安化陶公撫吳時刻石滄浪亭  
畔七友者寶應朱詠齋侍郎士彥吳縣顧南雅學  
士蕤元和吳棣華廉訪廷琛蘇撫雲汀陶公澍蘇  
藩蒞林梁公章鉅並在蘇主講席者華陽卓海帆  
少京兆秉恬涇縣朱蘭坡侍講琦皆嘉慶壬戌翰  
林也辛田亦壬戌年家子乙巳四月路過浦城謁  
蒞林中丞乞搨本爲贈屬余賦之

木天清切傍

金鑾一曲霓裳玉露寒重向節樓圖雅集千秋佳話重詞

絳雪山房詩鈔

卷十八

三

壇

嶽降崧生侶不孤晝長清課自歡娛縱然未接芝詹宇猶

觀琴邊對奕圖

謂詠齋棣華  
蘭坡三先生

碧紗黃絹擅才華三絕當年溯顧家尺幅尙畱春雪影瓣

香扶月拜梅花

南雅學士爲余畫月梅  
圖遺墨如新可勝惆悵

慈雲膚寸出湘岑郇黍江南惠澤深戟衛秋霜鈴閣月十

年前夢受恩心

道光甲午乙未間余任蕪湖監司  
時雲汀宮保總制兩江最蒙刮目

新築沙隄閣道東

觚稜回首日華紅我歸也在蒼生列霖雨東山望相公

相國拜別

己三年矣

來日難償去日多撫今追昔感如何靈光一老巋然在南

浦頻年賦綠波苴林中丞乞假後僑居浦城

加挹丰儀誦暮雲通家孔李式清芬能追先輩風流韻重

把勛名屬與君

辛田招集玉尺山房以病未赴詩來索和卽答其意

嘉賓賢主洽尊疊勝地招邀愧未陪春雪難為高曲和雲

林特為雅人開鶯花才思千詩句今古情懷一酒杯我亦

頭銜竊光祿名山咫尺負吟臺石壁鐫光祿吟臺四大字為宋光祿卿程師孟作也

曾亦廬大令元澄出其先世卽庵先生詩臺屬題為

賦一律先生名燦垣崇正間人鼎革後不仕自號江湖散民

絳雪山房詩鈔卷十八 四

小雅有哀音高人託興深滄桑餘幻迹天地入孤吟細雨

騎驢感空山放鶴心百年文獻澤蔚起竹成林

遊鼓山作

去年鼓山來秋山獻明潔今年鼓山來伏暑蒸炎熱舊伴

仍三人兒孫歡笑挈頤兒及鶴齡天公憐遊侶火傘炎官撒驟

雨送輕涼奔泉盪清冽來叩無盡門靜聽廣長舌

煙容籠樹杪雲氣截山腰有如美人睡朦朧胃輕綃冥心

結遐想高契凌虛霄學佛旣難悟學仙亦無聊只有青山

色一年一度招開眼見故人欣欣雲際邀含笑謝山靈平

視不為驕

古寺藏山窩疎鐘出林隙松門甘露多蘿徑懸巖擊來者  
往者題名士紛如鯽我亦踵前徽畱名紀游迹天地一逆  
旅名山不改易以我鐫崖心試問點頭石想亦知我心悄  
然抱煙碧

酷愛喝水巖壘嶂開禪關可無琴筑聲禽語和潺潺何以  
國師意當年一喝還欲學愚公愚移取山外山併作家園  
景位置秋水灣逝者有如斯着屐吾能閒

夜宿東際樓清景百盡絕天色入空虛壁燈自明滅悠然  
生道心如足證佛說世網眼過雲塵根爐沃雪卽此微妙  
禪已得菩提訣底事着袈裟天龍一指揭

絳雪山房詩鈔

卷十八

五

小頂怯未上大頂更難躋愧乏濟勝具峯巒空畱題行年  
逾六十健步未扶藜奈此巖窠何心往青雲梯安得披天  
風筍輿舁小奚待結後遊緣指點佛天西伊蒲飯已飽下  
山聞午雞

借僧笠遮日戲吟

飯顆山頭杜笠子日卓午春夢眉山蘇笠屐今有圖我不  
畏雨畏炎蒸非學坡翁學少陵六時未拜如來佛半日權  
爲有髮僧山靈拍手層山上宰官現出沙門相但教煩惱  
濁根清何有色身微塵障憶曾張蓋麓山滿山秋色霜  
林殷涼風九月吹仙袂坐聽好鳥鳴關關又嘗齋沐泰山

頂旌幢前導朝儀整富貴誰非變幻身升沈已付煙雲影  
卽今躡屐松林巔向長婚嫁愁牽纏何時結屋依崖住重  
詔看山戴笠年

半山亭遇雷雨

急雷驅雨裂崖驚不辨雷聲與雨聲我戀青山山戀我飛  
泉百道送歸程

磴道紆徐滑蘚苔鮮妍新葉隔崖開畱雲仙榻在何許帶  
得滿衣松翠回

憇白雲廨院

夾澗喧豷樹半淹奚僮赤足怯峯尖當門萬丈紅泉落絕  
絳雪山房詩鈔卷十八

六

似香爐挂水簾

一鉢蓮花證四禪簷鈴都與梵鐘連溼煙如墨雲如絮畫  
出僧堂聽雨天

七夕書事

歛袖階前下拜輕繡鞵蹴地悄無聲依稀聽得延齡字燭  
影爐煙望不明

玉押聲遲見指尖碧羅衫子棗花簾貪涼愛看雙星卧一  
角銀河瀉屋檐

九月十二晚作

澹煙斜照裏山氣亦佳哉無事門常掩多情月又來琴聲

涼夕籟泉語漱秋苔箕踞西廊下檐牙蘸水開

題湧泉寺壁

石鼓名山法席開更衣亭外見樓臺一聲鐘磬碧雲暮人  
自萬松深處來

疊前韻

光明世界海天開萬壑千峯聳絳臺我亦拈花參妙諦木  
樨香裏拜如來

題馮恪甫孝廉

光祚

風木圖遺照

玉樹亭亭早識君無端地下竟脩文回頭三十三年事蕭  
瑟黃墟愴暮雲

絳雪山房詩鈔

卷十八

七

池草曾歌靈運篇竹林還羨阮咸賢傷心蘭話堂前月春  
夢迢迢只似煙

丰韻重摹逼肖難慈明朗潤出毫端是真形似真神似付  
與諸孤忍淚看

思親我亦淚汎瀾梧竹飄瀟晚更寒一展畫圖一惆悵西  
風木葉已聲乾

孝謹門風萬石開大家子弟總多才此圖便當遺書讀合  
共青氈世守來

欄前

舊陰桐翠任交加負手欄前鳥不譁積潦水添騎月雨隔



鄰風拗過牆花蟬知殘暑朝吟葉蜂負濃香午報衙小婢  
也憐秋色媚嬌紅新摘鳳仙芽

聞少穆同年入關旋拜陝西巡撫之

命喜而有作

策馬朝行塞聞雞夜枕戈田疇春萬頃風雪鬢雙皤臣節

初終凜

君恩感涕多八駟臨涖處四境起歡歌

輿望孚堂鏡仁風速置郵天低秦隴月霜肅節轅秋

宵盱紆西顧關津控上游祝公縣福壽黼黻贊

皇猷

絳雪山房詩鈔

卷十八

八

題劉玉坡制軍

韻珂

自立圖

德與功言大業三生來卓立是奇男腳跟不轉千秋定心  
鏡能空萬象涵花卉香深松特秀海山膏遠雨彌甘艱侯  
豈負昂藏志早爲斯圖播美談

壯歲雲司共比肩登壇節鉞讓公賢識能先事才常裕交  
到忘形誼倍堅謝傳精神餘暇豫潞公威望鎮中邊梓鄉  
何幸逢旃覆合詠臺萊裘繡篇

除夕寄王叔蘭

蒙臉兒童拍手呼桃符竹爆歲朝圖不知買佛詩龕外曾  
供梅花一盞無

今年寒較去年嚴莫惜侵脣酒屢添睡足五更鐘響動春聲先到讀書簾

丙午立春日試筆寄潘星齋編修

寶字宜春鳥報春春慵春勝耀春辰惠風遲旭從頭紀嫩柳嬌桃刺眼新潤入金壺融墨瀋暖回瀛海起珠塵遙知香案神仙吏五朶紅雲捧

紫宸

西郊晚歸

翁仲欹斜石獸蹲紙錢風裏醉雞豚千家邱壟驚霜露五畝松楸拜子孫碧瓦紅牆花外寺春燈社鼓水邊邨湖天絳雪山房詩鈔卷十八  
煙曠關城暮新月如翬照女垣

九

飲櫻桃花下放歌

君不見洛陽三月春如海玉腰金翼恣探探君不見美人二八嬌如花臙脂紅褪消容華及時行樂苦不早人生柔脆如階草春夢易醒學士癡侯封無相將軍老我歸三載閉門居櫻桃花發香滿裾歌曲爭翻新樂府珠脣欲妬女相如有花無酒恹不樂對花不飲胸作惡把酒酬花花爲賓紅香圍坐賢主人因花酌酒花爲主徙倚花房張酒戶我量雖小杯常持知趣時復一中之天半亭臺爛成錦眼中日月狂哦詩詩成問花花不語爛醉花前相爾汝絕豔

難搜白玉疵濃嬌合構黃金貯滿階狼藉枕花眠花魂酒  
魄時流連垂簾一覺東風暮花片團香作蝶顛

二月十五日作

嫩紅初坼凍初消倚遍闌干綠意饒圓月十分春一半櫻  
桃香裏過花朝

池上

池水生春寒圍以紅闌干微風曳玉片初日輝金盤魚尾  
何蕤蕤漁竿何嫋嫋落盡櫻花一鏡綠煙曉

久雨初晴次叔蘭枕上聽雨韻

連日占晴未得晴今朝日影樹邊明閒來曳杖叢篁徑自  
絳雪山房詩鈔卷十八

十

撥新泥看筍生

寒食梨花趁曉晴關心明日又清明詩腸真似池塘草也  
逐東風一夜生

清明日早雨晚晴疊前韻

信是人間重晚晴屐聲入耳最分明門前柳色濃如染連  
桁垂檐萬綠生

閏端陽

丁亥年來二十秋端陽逢閏景遲留

丁亥閏五月至丙午再閏計二十年

絲重繡長生籙一水還喧競渡舟荆楚歲時添韻事湖山  
觴筍續豪游回頭笑看嬌兒女依舊花光顛赤榴

閏五月十九日挈次兒士頤姪孫鶴齡及蓮卿達夫

二甥宿鼓山僧院

寒泉漱石鳴天風，陽鳥躍影驕长空。松柏一逕趨山背，中有蘭若光玲瓏。樓閣華嚴現，彈指巖扉晴翠高。凌穹我從前年辭。

帝闕歸來喚作灌園翁，勛名富貴久如夢。依山結屋甘長終，平生海內半游跡。每從佳處窮天工，薊北煙雲岱東雨。湖西花柳嶽南峯，滕王江閣別殘碣。武夷仙府趨靈宮，吾郡名山首石鼓。九仙烏石難希蹤，乘興頻躡阮孚屐。去來無定浮雲同，今年游興尤豪健。入山先噉荔支紅，靈源洞絳雪山房詩鈔卷十八

士

口試顧渚國師巖下逢寶公

謂雲程上人

青山綠樹盡如此，白

日黃雞何太忽，擘牋鬪韻二三子。各以尖叉專其功，或吟聳肩或擁鼻。我亦見獵號寒蟲，搗來初地得新句也。思呈佛幢清鐘夜深燈，施人語寂皎皎涼月生于東。

長至後三日與姪孫鶴齡鶴樵鼓山僧樓夜話

松柏秀如昔，蒼蒼明遠岑。徑幽知寺隱，寒重入山深。短榻殘鐘夜，孤雲片石心。峯頭一壺茗，重與話登臨。初月有寒色，飛泉無俗聲。禽魚參妙諦，天地入遙情。山古小樓靜，池寬空水明。微吟斜倚處，萬感此俱清。

三世青箱學蓬廬，足嘯歌雕蟲。心自失畫虎，勗云何業在。

承家易吾衰望汝多好將游覽意簪筆賦卷阿  
燈外三人影蕭然冷欲冰空堂語西笑初地演南能畱客  
山為主談禪我亦僧煙霞堅後約雙屐健攀藤

白雲堂贈雲程上人

灌頂醍醐證舊聞拈花會上掬氤氳護持大法逢蒼雪管  
頰名山卧白雲一指香禪人我澈三生金粟去來分塵根  
熱惱難拋盡清淨煩師示妙文

題鄭夢白中丞

祖珠

小谷口紀事畫引

平生辛苦夜燈知六十年中入畫時祇恐畫師描不盡西  
風吹上鬢邊絲

絳雪山房詩鈔

卷十八

三

七載家山侍盥匱升軒慈壽樂期頤親恩兼載  
君恩重許誦咳蘭束皙詩

海風吹浪撼蓬萊倥偬戎機仗異材此景披圖真快絕凌  
寒萬帳雪光開

仕路馳驅歷練多大才如海納江波瀆雲高曠秦關險嶽  
色河聲匹馬馱

曾共吳剛入桂宮萃筮賦罷賞心同忽忽四十二年夢後

樂于今屬范公

中丞與余同  
領甲子鄉薦

鈴軒春霽冷潛消醞釀和甘茁黍苗嬾到野鷗蕭散甚也  
欣卿月仰層霄

榕城古蹟雜詠六十首

方丈瀛洲此等齊射鳥雲際事難稽萬家遊屐登秋半千載名山峙郭西般若臺荒崖篆古鄰霄地迥野雲低年來愛作餐香客荔子紅中挈榼躋

烏石山

東南晴翠忽飛來勢接屣屨石鼓開鶴背笙簫低日月鼇頭宮觀湧蓬萊繁星宵拱玉皇閣落照煙寒金粟臺二十四奇何處問廣場盤馬又春苔

九仙山

越王山對越王臺琴石毬場剔草開鑄劍人歸荒竈冷釣龍江遠峭帆來千年溟海銷狂浪十郡河山想霸才覽古徘徊動憑弔暮庵寒磬莫相催

越王山

絳雪山房詩鈔

卷十八

三

背枕屏山面虎山無諸建國此郊關雄圖迤邐煙雲外舊壘荒涼草莽間城堞殘甗甗空想像劍池寒水尙彎環秋來小阜閒憑眺指點江天控百蠻

冶山

崑圃祥光四照開輝山玉尺出青苔麗如霞錦新量後朗映冰壺入握來剔蘚尙餘光祿字論詩誰繼建安才主人早負煙霞癖知有吟聲上石臺

近爲葉芸卿觀察別業

玉尺山

歐冶何曾到八閩池波渺渺綠猶新但教越客開先路儘許閩王步後塵寶氣星躔時隱見寒光煙竈久沈湮惟餘一片團欒月曾照當年鼓鑄人

歐冶池

鈴語隨風落市闌貞元時代啟禪關影如文筆依南澗勢

作香臺聳道山插漢鳥窺天尺咫旋空人與石迴環金盤

納景銘安在寶像沈沈碧蘚斑

淨光塔

鐘鼓闍王禮石壇浮圖七級卓雄關亂紅照夜燈痕重虛  
白生空日色寒人比遊山盤木杪階如旋磨入雲端雨衣

三拜遺文在翹首難尋鐵釜看

定光塔

蕭梁寺觀今餘幾尚有芝山蹟可尋祇樹園寬聞梵唄靈

源閣敞壯禪林殘碑半蝕開元字古佛由來鐵漢心

寺東為鐵

殿鐘鼓深沈人不見松花滿地起秋陰

開元寺

奕奕神光入夢逢曹溪衣鉢重南宗留雲峯古飛靈鷲面

郭門深蔭綠榕夾水池橋雙鏡月半山僧梵一樓鐘我來

### 絳雪山房詩鈔

### 卷十八

古

不恨生遲暮風景依然碧草濃

徐興公過神光寺句不看繁盛看消歇恨我生遲二

年百神光寺

一闍羅山萬綠叢沙門爭說孟司空代傳石晉遷移蹟家

有蕭梁布施風法雨香中瞻寶像海潮音裏捧花宮當年

甲第連雲地巢燕何從訪社公

法海寺

捨宅曾傳晉天福賜名重憶宋祥符四圍榕翠三春院一

角芝山十笏圖樂歲倉箱新義社比鄰燈火舊閩都

寺側為忠

諫廟其右新建義舍貯穀堂前燕子傷心事得向楞嚴懺悔無

慶城寺

老樹蟠根翠互擎華林古寺會龍華基從趙宋開香國天

為維摩散雨花僧磬敲殘松子院屏山圍住梵王家芳園

司馬曾同號失笑官私問怒蛙

華林寺

昔爲花雨旃檀地今作秋田稷黍倉千畝篝車欣歲稔九年儲蓄慎冬藏登山庚癸籌宜備比戶笙歌俗自康料得

長官謀積貶杞人無事慮家鄉

常豐倉

百尺高凌碧漢雲全闌樓觀壯榆枌六鼇曉駕海天柱

樓額

顏曰海

萬馬南開威武軍

樓卽闕王威武軍門

飛桷勢迎紅旭早摘

星光與紫薇分

樓北爲藩署

老來漸覺秋宵永銅點聲隔柝

聞

俗呼鼓樓置刻漏其上舊有闕王點今無存

全闌第一樓

聖世由來海不波秦橋漢柱鏡新磨何妨樓閣凌雲峻藉

瞰滄溟浴日多煙霽東甌消瘴癘鱗恬秋浪靖蛟鼉西方

絳雪山房詩鈔

卷十八

五

葵貢南方雉長聽周家震疊歌

鎮海樓

丁戊山前勝蹟幽宋元興廢幾春秋旃檀上界香生塔日

月中天影到樓如聽鈴聲占替戾記逢僧話爲勾畱禪門

每有旁參法露電浮泡一例收

塔影樓

層臺置酒震威名兵法孫吳校練精南土鯨鯢銷海氣西

風鶴鶴肅軍聲策功重績磨崖頌懷古頻增望遠情但願

波臣長効順風煙萬島慶澄清

平遠臺

天皇嶺畔道山南巖壑幽奇石氣涵萬戶瓦鱗排岫出一

臺松頂與雲參暮天寒雨看春樹短堞晴暉掃曉嵐莫向

殘苔尋舊刻瀆灰厯劫話瞿曇

舊有黃氏刻石詩祖居山下自唐遷故老相傳七百



年但使兒孫能守分  
不教滄海變桑田

鱗次臺

騎鯉仙人不可招清虛古觀聳岩巖近依水郭參差堞遠

挹臺江上下潮禮斗壇空秋月冷吹笙人去碧雲遙湖光

山色年年在絳節何由下紫霄

九仙觀

食報嘗烝禮亦宜瑯琊德政有穹碑軍門劍影開疆日海

國棠陰闢港時侍從尙依王左右

廟塑都押衙程贊孟威像配享節麾如

見漢威儀春來牛乞祠前土布與東風萬戶知

忠懿廟

秀州宦績著聲稱正直爲神任自勝赤幟乘風汀寇殄瑤

壇檄雨岫雲興春秋酒醴隆裡社衣冠仰式憑太息

鼇山銷歇後上元簫鼓黯春燈

閩山廟

### 絳雪山房詩鈔

卷十八

去

金鼇峯下做軒楹地爲徐公代擅名深徑琳瑯秋有韻重

簾煙雨綠多情名山事業千圖卷福地神仙兩弟兄好觀

小樓香影暮桃花消瘦碧筠清

綠玉齋

碧漢西風綺閣陰閒看明月到天心星光數點池波靜蟲

語三更樹色深幾處畫欄度良夜誰家玉笛索知音幽人

藻思迴文妙有杞堂前細細吟

閣爲林大尹先春園館大尹有天心閣看月迴文詩

有杞堂亦 天心閣

在園中

中天臺閣鎮閩垣

舊名鎮閩臺祥符間郡守嚴辟疆更名還珠取孟嘗合浦珠還之義

千尺

榕髯夕照昏誰製三獅當五虎

鑿石獅子三以制南面高五虎山額曰獅子樓

懸片月照雙門屹如山立形常固廉到珠還品自尊撲地

閭闔過十萬仁風長頌孟嘗恩 還珠門

永安利涉已紛更遺蹟津門勒石明 唐羅城七門南曰利涉北曰永安今惟通

津門石 瀛水尙通前鐵冶 旁為鐵冶巷古冶鐵之所 樓碑猶署古羅城

爐香神案塵無影 上有樓 燈火河橋市有聲千古綱常忠

節孝柏衙咫尺擅芳名 門左為柏衙前元行省郎中柏帖穆爾居此一門死事宅廢已久芳

名猶通津門存

少谷興公此避喧坊廛遺址賸頽垣過閭合式詩人里養

秀同登哲匠門講院芙蓉秋爛漫仙臺笙磬月黃昏金鼇

峯下傳經地從古科名豔狀元 鼇峯坊

樂公社祭至今畱 今魁輔境社神係祀鄭公 急避何曾結怨尤對策科

絳雪山房詩鈔 卷十八 七

名隆首第立朝章疏抒先憂紫陽衣鉢功難紹黃閣勛猷

度自優誰信清風堂下影頻將訛語污名流 南邨輟耕錄載性之以微

罪殺人所居清風堂下有卧屍影陰晦即見洗濯不去里人名其巷為急避後惡其聲改吉庇按鄭公從朱紫陽夫

子及登政府從無遺行見譏於紫陽吉庇巷之門所傳捶殺屠者事恐係訛語

金蟆尙識眞儒者古巷流傳姓繫黃身入閩川名士傳地

尊碩德善人鄉三秋露采葭依水十卷霞居筆有霜他日

莆陽遷徙處讀書還占一椽香 黃巷

拍肩挹袂賦仙居拱極樓前鼻笏輿圍綺衣冠圖洛社金

銀宮闕夢華胥但憑善俗成仁里自愛吾廬讀我書秋景

數峯塘半畝此中容得老樵漁 仙宮里

畫欄容易夕陽斜燕子難尋王謝家朱紫坊前畱古巷芙蓉園裏訪秋花相公勳業歸青史詩客聲名重碧紗

園爲宋參

政陳忠肅公別館明山人傳汝舟卽其故址居之幾度津門樓上望西風暮色噪

寒鴉

芙蓉園

回首豪華四百秋園林中使賞清幽重簾花片瓊筵酒明

月簫聲鏡浦舟臨水碧窺天浩渺背山春聽鳥鉤輞池塘

廢後荆榛比蛙鼓螢燈續舊游

中使園

尙書乞養歸田里一畝鐘邱樂故園自抱盟鷗心似水敢

勞題鳳客書門

馬恭敏公自題鐘邱園句有客到門題鳳字主人高卧樞鷗盟

亭開翠竹

秋如語徑壓紅薇月有痕

園有竹香亭薔薇徑諸勝

閒聽茶寮鄉父老

絳雪山房詩鈔

卷十八

六

報功祠畔話君恩

恭敏里居贊巡撫龐尙鵬行一條鞭法鄉人爲立報功祠

鐘邱園

松風謾謾透窻紗佳日名園賭酒譁鄉國爭推名父子滄

桑重嘯舊煙霞龍鱗秋溜千釵雨鶴夢煙寒七椀茶光祿

坊前還結屋一庵香繞紫藤花

澆園

湘簾裴几一塵無道暑高陽載玉壺三面亭臺涵水木六

塘葭菼戲鷗鳧荔支香裏詩人醉楊柳陰中釣叟呼夜半

不知涼月上開門看雨響蒲菰

荔水葦

欄楯縱橫間髮苗

橋與髮苗橋縱橫

參差交互聳雙橋流從江海

秋添浪派合東西午會潮種樹有枝聯雁齒環渠如帶接

龍腰奇踪可任頻淤塞疏淪何人利導遙

雙拋橋

湛侯辭祿遂幽栖醉客壺觴暘月低遊倦早知林鳥樂秋  
高曾聽夜猿啼荔支紅記柴門種蘿薜青縈石徑題今日  
雲山誰作主野花濃發夕陽西

宿猿洞

無諸建國海邊城落照登臺客思縈五虎煙雲銷霸氣白  
龍風雨走江聲溪光曾照三郎影樽飲能畱九日情世事  
茫茫星物換蓮瓜社散暮潮平

釣龍臺

鼇梁駕石截奔流十里江橋畫景收烏笠紅衫南北路櫓  
枝篷葉去來舟潮聲冷入松風寺水色深連葦岸洲記得  
玉人斜倚處月中簫管醉揚州

萬壽橋

屏障東南事已空先生袖手聽松風朝端進退關強敵天  
絳雪山房詩鈔

卷十八

九

下安危望相公難得君王能感悟可憐宰執不英雄江聲  
似洩孤臣憤徹夜奔濤響未終

松風堂

石馬江頭風勢狂浮圖屹立浪中央全闌形勝爭津要百  
里山川接混茫珠斗夜輝星緯密銀濤秋捧塔燈涼榜人  
來往圖經熟細話當年柳七娘

塔爲宋時嶺南  
柳七娘所造

羅星塔

西風獵獵月陰陰故國關河霸業沈菡萏碧抽峯萼秀臙  
脂紅漬土花深錦袍玉帶生前像湘芷江離去後心一代  
雄姿芳塚重南朝辱井懶重尋

臙脂山

濃青分峙九峯間近挹芙蓉削翠鬢厚德合推仁者壽流  
形爭仰良爲山居然福海天成對卻喜瓊華石不頑

山產  
佳石

制器何如完璞好免招斧鑿損孱顏 壽山

巖洞當年說避秦東山竟比武陵津幾家仙眷攜雲住一

樹榴花照日新合把藍超侶漁父惜無元亮紀樵人祇今

獅子峯頭暮有客飄飄想出塵 榴花洞

麗色長安鬪尹邢清流蒲芍贈芳馨吾鄉亦有歌沂勝此

地曾聞載酒停人為前王思樾蔭天開佳境卽蘭亭春遊

躑躅登雲路撲面松風午醉醒 桑溪曲水

日暮三郎白馬來鱖溪珠弩臂猿開分明射手同窮羿直

把雄心侶澹臺潭影卽今澄月鏡波光長此徹星台千秋

行客經祠廟桂醕臨風酌一杯 射鱖潭

絳雪山房詩鈔 卷十八 三

少谷柴門湖水傍芳園半畝幾滄桑遲清有志超流輩摹

杜何人較短長一代名高揚子宅千秋此亦鄭公鄉獨憐

風雪深溪夜誰向仙都乞鶴糧 桑苴園

磅礴扶輿勢建瓴東郊煙霽闢巖扃吹來海日凌波紫配

得旗峯對面青雲影松陰山向背天風江月句空靈好偕

捫薜攀藤侶詳讀寒華揖極銘 鼓山

羅漢泉頭淪水源晏公鐘梵禮朝昏龍腥東徙碧潭靜象

教南來金地尊雲影千峯盤石澗松陰十里到山門我歸

卻愛交禪侶桑下依栖避俗喧 湧泉寺

復道張燈度水晶蓮花蓮葉繞芳城六宮絃索三更影一

曲君王萬歲情香輦不來珠有淚綵雲易散鳳無聲年年  
大夢山頭望依舊湖波浸月明

水晶宮

湖西魚鳥自親人高閣瀾澄漾翹塵春水愛看窻倒影秋  
山澹與畫傳神紺園碧殿參差見紫蓼青蒲映帶新畱得  
遺區重點染棖題紅蘸綠粼粼

澄瀾閣

蒹葭采采復蒼蒼宛在堂前露結霜有客當年望秋水伊

人何處話鷗鄉死依梅影聯吟榻生愛蓉香沁繡腸

堂爲明山

人傳汝舟營建汝舟以能詩遊鄭少谷善夫之門所居芙蓉園少谷榜其楹曰巷陋過顏老去無心朱紫園名自宋秋來有意芙蓉卒葬西郊梅亭山與少谷鄰

尚有詩魂重到否顏碑斷蘚幾斜

陽宛在堂

### 絳雪山房詩鈔

### 卷十八

三

直把仙鄉作佛鄉怡山法鼓禮鸚王

寺爲梁仙人王霸故宅

僧居近

市無嫌鬧客爲談禪半納涼雲板數聲桐子和草堂六月

荔支香城西十里迢迢路花擔歸來已夕陽

長慶寺

三里長亭嶺似坡郊關西去聽驪歌春山茗薜僧聯社斜

日牛羊牧荷蓑麥隴餅香鷓嘴落柳隄鞭影馬頭過行人

莫話興亡事祭酒荒墳碧草多

祭酒嶺

垂虹天際跨長橋沙市燈痕隔岸招歸櫂夜乘西岳月來

帆午趁大江潮篷窻淺夢鄉關近水國初程客路遙便抵

灞橋送離別縱無楊柳也魂銷

洪山橋

七十四齡殉節臣卽論文采亦彬彬詩篇列代搜先哲例

義宗藩卻要津當日園居曾嘯月只今石骨尚如人劇憐  
儒藏功難就辜負先生著作身

曹能始先生以道釋二氏皆有藏欲修儒藏與之鼎

立惜功 石倉園 未及竣

芋原驛古片帆停江水拖藍石岳青樹色春深神女廟潮  
聲夜上越王亭世無孝子偏枵腹天與名姝卻道形惆悵  
萊蕪塵滿甑碧螺何處乞仙靈

螺女江

如畫山形展翠旗閩南分峙鼓相宜丹砂何必求勾漏

山有勾漏

洞 青靄遙看入武夷樹色蒼茫溪遠近雲光旖旎石離

奇一峯千竹開靈境我誦興公曲隴詩

徐興公旗山句山當曲隴蔽千竹路

入平林 旗山 生一峯

### 絳雪山房詩鈔 卷十八

三

義公振錫翠千重暮靄朝嵐象骨峯三伏巖巔猶積雪五  
更塵夢猛聞鐘斜陽塔迥標孤寺寒雨秋深吼萬松石卵  
木毬今在否尋僧有客仗疎筇

雪峯

合賦商盤日日新溫泉咫尺近城闈居然火井揚波地雷  
住炎鄉濯垢人入室渾如春氣候潔身都有鶴精神豔名  
讓與驪山處只爲凝脂洗太眞

溫泉

絳雪山房詩鈔卷十九

福州 楊慶琛 雪菜

東坡多足硯圖爲鹿春如觀察題

鹿公嗜古神與俱物聚所好言非虛四十八足珍一硯旁  
有欵識睂山蘇坡仙當日傳三硯此硯合備奎垣儲元祐  
四年三月銘計當乞郡杭州初濬湖築隄利萬世硯田渥  
澤周耕鋤海外流離得不死硯亦韜晦消居諸七百餘年  
畱手澤鬼物守護神提扶我從紙本睹硯式長尺八分釐  
錙銖千夫挽縷下鎚取銘詞如是想見玉潤豐肌膚古人清操  
重匹絹公今一硯絹不如又云囊金盡買書公今得硯書

絳雪山房詩鈔卷十九

一

相需巖洞碧探膩鸚鵡嬾香浸新蟾蝓構齋繪圖顏寶  
硯夜光怪騰瑤樞硯乎硯乎欣得所生花筆架紅珊瑚  
春如觀察復以明宣宗鸚鵡林檎圖索題奉答

宣宗在御民物蘇太平天子爲歡娛果厥雕盆鬪秋螿博  
山沈水薰金爐偶染丹青適閒趣林檎鸚鵡描新圖云仿  
宋皇畫鷹筆神采飛動翎毛殊爲君從古貴持要陳綱飭  
紀端星樞維時楊夏贊庶政都俞吁咈堂廉孚銀海洗刀  
三矢定黃旗立馬千營呼羣生久已致殷阜尺幅今亦畱  
形模此豈宣和舊畫譜春風花鳥傷蒼梧公從何處得絹  
素令我心妬神爲愉想見九重宵旰暇彩毫粉墨相臨摹



奎章四字蓋符璽頓間題云仿宣和筆芝泥光煥紅珊瑚變滅何恨  
雲煙感流傳知有神靈扶千秋秘寶慶遇合公其慎守珍  
逾珠

歲暮柬王叔蘭

節候有冬春天心易寒燠農勤乃有秋士學知不足試觀  
前日雷炎威爍林木何以昨夜霜尖風透茅屋盈虛消長  
理循環如轉轂屯者豫之先困乃亨所伏念子方攻苦展  
卷下帷讀肘捉原子襟蓋畫范公粥我年十五六亦復常  
枵腹四十始登

朝飽飫大官粟子今富文藻邊笥便便蓄精進力不疲飛  
絳雪山房詩鈔

卷十九

二

騰期可卜境知啖蔗甘燈須斷帶續惟茲歲事闌鄰家臘  
酒熟毋乃口流涎仰屋嗟躑躅呼僮攜青蚨爲子沽醪醪  
一醉度殘年春光滿晴旭

丁未元旦

家家吉爆夜連聲暖朝曦競喜晴入眼竹松增秀色親  
人魚鳥有歡情齋心禮佛聽梵蒙臉妝神笑戲嬰行近  
小樓還徙倚紅梅花映紫貂明

書畫堆邊現在身光陰六十五齡人餘暉有味閒彌永舊  
夢無痕記尙真砥行廉隅防愧影傳家清白敢辭貧春臺  
熙皞花仁壽願侶

堯天擊壤民

題彭詠我學使乘輅草

霞關秋色壯吟鞭千里乘輅錦服鮮  
梁棟搜材榕嶠老海山持節竹林賢

公伯父修田先生嘉慶丁卯典閩試

宗風商室矜傳述奎采

閩州煥象躔示我一編冰雪句喜聽廣樂奏鈞天

舊夢春明位六卿同官意氣感班荆  
疎簾呼酒鐙前影短

巷聯吟雪後聲公序余詩有云翦燈呼酒疎簾之花影侵衣踏雪聯吟短巷之春泥印屐皆紀實也

踪跡人將蛩蟹比襟懷我覺竹梅清  
南來握手重相聚

觸鼻驚惜別情余致仕歸公贈詩有此後錦京歌飲福臆驚莊誦意難禁之句

三年閩海網珊瑚大雅雙輪隻手扶  
得士由來先器識論

絳雪山房詩鈔卷十九

三

文無取襲皮膚友清軒裏盟心日補石亭前  
覓句圖友清軒補

石亭俱在三百卅人佳話在待公重續笥河朱  
署內三百

使院西偏士亭乾隆庚子學使朱笥河先生建

何須入境借圖經問俗輜軒許暫停  
紅杏碧桃花外舫綠

榕丹荔水邊亭身多仙骨空塵障  
筆有天機見性靈若過

武夷挹山秀新詩添寫翠雲屏

詠我學使硯北草

倚馬千言四座驚宮商迭奏貴和平  
清嚴

樞禁承

恩近譜出

熙朝雅頌聲

綺思清詞重疊抽芙蓉東府柳西州詩才我愛三唐健章  
孟知公占一籌

詠莪學使樞垣趨直圖

露華如水冷詩肩

帝里風光在眼前十二年來趨直地一星燈影五更天  
鳳閣聲華海內馳機垣退直不妨遲

九重民瘼關心切親見

宵衣旰食時

手持玉尺到榕陰巖穴良材費苦尋料得畫師描不出憐

絳雪山房詩鈔

卷十九

四

才一片侍臣心

脫後朝衫宦味消披圖重復仰

丹青定知榕館疎燈夜我亦寒雞夢早朝

詠莪一句連得三孫以誌喜詩見示奉答

華堂湯餅逐春開喜氣祥光徹上台一片壺冰多士仰三  
枝孫竹匝旬來分明算亥身居半試詠生申句疊催天爲  
我公增異數維楨連茁出羣才

題畫鯉

紫鬣紅鱗託彩毫龍門翹首絕流高春來遍是桃花水

右用

句咫尺防他起怒濤

送鄭夢白中丞調任粵西

重來何暮去何忽無計攀轅借寇公

中丞前任吾省藩臬重來撫閩僅十閱月

官歷八州胸鏡朗春雷十郡口碑同詞華沈宋諸家上文筆波瀾一柱中料得行軺添紀事頻分畫意與詩翁

唱到陽關柳又新章門重拜長官塵三湘蘅杜迎才子百

粵雲山識故人

江右粵西皆中丞舊宦之地現仍由江右湘南入粵

化淡早知民氣

樂心虛常與士流親白頭屈指同年少盼寄思江六六鱗

二硯圖歌為黃蘅洲太守

慶安

作

羚羊峽束江流急蠻煙黯黯紫雲溼割取琳腴一片青銀

蟾吸露紅鸚立吾鄉耆宿莘田翁才人作宰端州東琢就

絳雪山房詩鈔

卷十九

五

硯材珍十種摩挲著手生春風金蛇掣電颺輪走煙雲變

滅嗟蒼狗香草齋前易夕陽殘秋硯史銷沈久中州太守

今瑤琨白雲重整舊朱門賦罷一篇述祖德僉云十硯有

詩孫網羅舊聞收散失百年二硯重拂拭范喬無媪告扶

牀遺編想灑淋漓汁一書端友鐫雲根矩矱猶見先民存

一作微雲裏蟾影如窺月鏡清秋痕膚理瑩明潤欲滴珊

瑚架畔琉璃飾我叩高齋天已昏親睹奇光生四壁裝成

吟卷揚作圖青花蕉葉煙模糊失笑香姜搜趙宋不須鳳

味憶髯蘇卣鼎尊疊商位置護持珍惜梧捲意畫障如披

菊院香屏山還寫秋江思

君寓石井巷貯硯西軒顏曰二硯并摹莘田先生買菊圖錄秋

江集詩  
句於屏梅亭陶舫俱寂寥藤花吟館風蕭蕭井上草堂堪  
貯硯一軒燈朗光連霄君不見溪橋霜曉芙蓉碧腰閒躍  
出波無迹神靈會合應有時八硯行看歸趙壁我揮禿管  
爲君歌歌成餘瀋香生波起弄明月瀉春影花陰滿地松  
聲多

漫興

隔窻吟韻隔牆歌林鳥無聲沼不波新綠一庭香滿院櫻  
桃開後乳蕉多

隨分

三月光陰晝漸長高臺小閣自徜徉眼前庭草皆生意靜  
絳雪山房詩鈔卷十九  
六  
裏爐香亦妙方對鏡有思常脈脈問天無語但蒼蒼家居  
隨分田園味紫芥黃芽晚饌香

題窻壁

蜀錦風前自卷舒蘭膏煜煜校蟲魚傍人若問春來課四  
壁名花百本書

愛結青山猿鶴羣蔬厨清福與僧分此心活脫無停礙喝  
水巖頭坐看雲

素心蘭

寂寂幽齋契古歡素心人賞素心蘭冰清玉椀傳神易月  
滿湘江寫韻難相對愛傾銀鑿落多情閒倚玉闌干謝家

子弟都高潔合並寒泉薦菊看

春寒圖

翠袖驚寒倚不成出牆新綠與煙平玉鉤未卸金猊靜滴  
盡梨花暮雨聲

七月二十一日遊鼓山作

溼翠沾衣清露零籃輿趁曉度郊坳古今淵峙多殊相造  
化爐錘爲寫形秋色澹分煙裏寺蟬聲涼透水邊亭迎眸  
記得坡仙語山向吾曹分外青

一片迷濛紫霧東銅鈿初挂嶺頭紅老來漸愛新涼爽曠  
處能教俗念空嵐氣未消時作兩松聲無定每隨風平生

絳雪山房詩鈔

卷十九

七

具有煙霞癖七度重來訪梵宮

賣茶僧住翠微巔槐火銅鑪水味鮮接筧齋厨清洗耳穿  
雲樵擔綠圍肩馬江螺渚都如畫石骨林梢尙抱煙山鷓  
無聲清磬曉始知世界近諸天

維摩丈室絕纖塵點綴秋花拂檻新出世尙畱開士影入  
門重證宰官身菜根得味超凡偈梅子聞香種淨因頂禮  
慈航金粟座迷津願濟往來人

巖壁摩天似削成千尋向背倏陰晴雲常生足歸山影水  
解回頭隔澗聲斷壑藤荒還有路懸崖草長半無名亭臺  
依約斜陽外到眼重重紫翠明

宋碑元刻幾星霜攀葛剡苔信步強退院僧真同我暇當  
門佛亦笑人忙風聲颯颯詩聲壯秋意蕭疎雨意涼解道  
聽松羸聽竹一燈何事話瀟湘

阻雨不得下山再成六首

松篁列嶂撼空青夾澗琤琮屐齒停我爲看山常戀戀天  
將畱客故冥冥一琴作枕聲飛瀑萬瓦奔流勢建瓴浣盡  
紅塵三十丈秋風秋雨倚樓聽

多少山田澤未充甘膏下尺盼天公今朝真慰三農望相  
對遙看萬綠籠景在宜詩宜畫裏秋生一葉一聲中但教  
擊壤芄芄樂三宿何妨滯爪鴻

絳雪山房詩鈔

卷十九

八

參差樓殿與雲連雲氣飄飄絲散作煙倦鴿巢檐閒斂翅饑  
鳶攫食冷垂肩滿城颯颯思重九上界濛濛溼大千可是  
慈悲來濟衆一瓶甘露灑諸天

綠淨方塘鏡拭塵微波唼喋躍游鱗紅蓓紫芋香逾飽階  
草籬花色倍新扑市眞教結歡喜雨珠無此療寒貧山僧  
欠我齋厨債禪味重參玉版珍

驚蛇瞥眼歲華深曾此寒宵聽雨吟人事蒼茫棋換劫交  
情生死劍盟心停雲有客思聯榻剪燭當前怯薄衾十六  
年來回首地燈痕詩夢嬾重尋

抽得閒身愛詠觴山靈應不笑詩狂齒牙未必同冰雪情

性從來重桂董清福幾修纔得到嫩涼如許可能當明朝  
歸去新晴路領畧秋山松柏香

買菊詞

一捻秋痕有淺深重陽風雨早關心貧兒暴富防招忌買  
得東籬遍地金

最繁華處最清幽配色都從畫裏收也算小齋花富貴一  
瓶高占十分秋

鴉嘴分鋤地數弓幾株白閒幾株紅寫生莫寫秋容淡看

取楊妃醉態工

醉楊妃  
菊名

是誰剝啄板扉開酒客詩朋約伴來長夜不妨遲覓句月

絳雪山房詩鈔

卷十九

九

斜移影上樓臺

簪向佳辰結俊游龍山搔首不勝秋鬢霜恰稱花明淨短

髮還應勝黑頭

藤牀竹簟晚相依花瓣裝香嗅入微一枕蘧蘧酣午夢夢

中蝴蝶作團飛

繡履苔痕綠印階深閨連日動吟懷西風捲起湘簾暮人

影如花瘦亦佳

落英尙足備宵餐垂老精神卻耐看檐鳥也知秋色好重

簾斜日雀聲歡

有酒無花興不豪義熙詩骨爲君高由來食色關生性相



對青樽擘蠅螯

雨零露湛久分叢晚節孤高俗不同偕隱有心甘淡泊任  
他桃李笑東風

題永陽黃心庵先生詩集

當年十硯負詩名會仰長篇誌喜情  
十硯翁秋江集中有喜惠姪成進士長句

今日披公遺稟讀秋江蘭苳振家聲

風月南宮畫裏賒卻教仙吏去栽花頻年飽挹西江水莫

道詩清為飲茶

鯨鼈跋浪馬嘶風跛鼈饑鼯詎敢同  
用集中述懷詩意 畱得晉安

騷雅派登壇牛耳角羣公

絳雪山房詩鈔卷十九

十

詩禮淵源家學精孫曾頭角又崢嶸丹山萬里飛聲路雛

鳳清逾老鳳清  
謂蘅洲太守

十子才華足典型微吟夜對短燈青歸田我亦編詩卷慙

愧鐘鏞謬擊莛

戊申元旦

天上人間瑞象明春光昨已滿江城  
歲除日立春 紫雲香駕東

皇令紅雪梅花曉閣晴冠服尚叨三品貴水天長話四瀛

清屠蘇一飲陶然後喜看芝蘭繞砌榮

題霍蓉生太守  
明高固圍圖冊

嫖姚將軍擅雄武馳驅疆場禦疆侮繡尾螯弧金僕姑指

揮豪雋猛如虎鯨魚吹沫東南來天雲下垂黑水開二十  
八宿韜光影奔雷飛雨爭喧厯雷收雨霽紅日現卷甲索  
弓不忘戰材大何曾致用難馬頭歡識將軍面防山防海  
肩獨任痛定思痛心更深那堪驥足康莊路重憶羊腸偏  
仄吟畫工應識南行意貌取巖巒樹旗幟柳是條侯壁壘  
青棘門霸上空兒戲丹青麟閣圖勛臣雲臺亦有冠裳新  
一幅生絹資點染今見功名勝古人

用岑嘉州句

### 謝彭詠莪學使送鱒魚

枯盡吟腸潤最宜感公愛我惠江鱒當鮓名早珍鱗族爾雅  
鱒當鮓鮓即鱒魚漑釜甘還敵荔支黃莘田先生詩老鮓一病連三月誤了鱒魚又荔支宦久

### 絳雪山房詩鈔卷十九

十一

也應鱸並憶水春曾與鴨同知老饕偏不嫌多骨白酒濃  
香快朶頤

### 過甘滋蒼明經齋頭話舊

不羨華嚴不學仙淵源師友契前賢琴書侍側心常摯君侍師圖畫幅雞黍登堂約自堅清癖欲持塵外扇故家能守座

中瓊與君楊柳春城別殘月疎鐘二十年

我歸舊雨已晨星話到深情較耐聽淡水論交頭共白名  
山知已眼常青生天兜率僧緣在癸卯南旋過浙詩僧入謙谷松光欸畱數日

世邯鄲客夢醒花韻沈沈茶味永畫中人上綠莎廳

### 以道山荔子餉詠莪學使繫以長句

公昔惠我以佳鱠我今報公以荔支道山山下范公祠繁  
枝密葉交參差六月炎風吹伏雨飽釀瓊液蒸丹皮殘虹  
倒垂夕照薄千顆萬顆紅離離天下果品此爲最閩南名  
較粵蜀馳方紅陳紫蕃譜系海山仙人傾城姿喬梢摘下  
日初出清露未乾香襲肌裝以筠筐裹以葉呼僮亟致公  
階墀口之於味有深嗜袁絲江郎同朶頤謂幕中袁宗山  
江崧叔二友  
絳紗都講王內史便便腹笥勤搜奇王生叔蘭相與飽啖三百  
顆肥甘如飫鱠魚時賤子日來剛病齒亦復垂涎睨而窺  
閉門不出已逾月立腳深恐負相知知交在神不在貌區  
區之意公勿嗤衙齋有松風謾謾想公倚樹飄吟髭公才  
絳雪山房詩鈔 卷十九 主

如錦心如絲請公爲賦荔支詩

題詠我學使西湖畫冊

經眼紅酣綠更酣桃花綽約柳毵毵東風吹散朝雲影一

鏡空明浸蔚藍

蘇隄春曉

誰家水閣倚花潭簾幕垂垂蘸翠嵐銀燭未消瓊管動有  
人低唱望江南

天上歸來又曉晴滿衣花露豈忘情湧金門外垂楊路此

是人間第一聲

柳浪聞鶯

抱煙絲重舞風輕萬綠朦朧百轉清爲報幽人正傾耳雙

柑斗酒最分明

雲影天光漾碧虛  
數聲潑刺樂何如  
知魚知我非非想  
悟到莊生繕性書

花港觀魚

名園南宋劫灰餘  
蠶石重瞻引水瀦  
幾度定香橋上望  
湖光吹雪照朱疏

不辨花香與水香  
金沙澗畔受風涼  
姍姍意態亭亭合

配荃蘭寫楚湘

曲院風荷

荷筒吸露曉傳觴  
日色花光細較量  
真個湖西妝別樣  
紅雲圍繞綠鳧鄉

墨巘層巖向背逢  
碧尖相對兩高峯  
就中咫尺通天路  
隔斷紅塵一萬重

雙峯插雲

絳雪山房詩鈔

卷十九

三

流甘泉乳日淙淙  
石竇濺珠洗舊容  
知否仙人來往處  
洞門不許白雲封

如許秋光著眼探  
一輪明月印爲三  
夜深誰界琉璃影  
知有漁翁網下潭

三潭印月

桃花送客每停驂  
何似湖心塔影涵  
絕好空明圖畫裏  
禪家三昧此中參

古塔巋然峙水隈  
夕陽西照見青苔  
殘甃盡作鎔金色  
還算黃妃布施來

雷峯夕照

高原古柳幾樓臺  
又聽鐘聲向晚催  
點綴寒鴉應更好  
殘紅一抹對山開

誰捧驪龍一顆珠微波不起靜蒲菰二分水色三分月併

入秋中作畫圖

平湖秋月

瓊樓水調唱髯蘇此夕清光何處無記在岳陽樓上看銀  
雲湘瑟洞庭湖

買醉湖頭日百杯林鳴喧起尙徘徊紅塵多少沈酣夢不

是鐘聲喚不回

南屏晚鐘

水邊人影隔花來扶杖歸僧步綠苔才下斷霞殘照裏樓

臺金碧倚山開

如絮如鹽迹未消長隄十里路迢遙尋香合向孤山去肥

到梅花態亦嬌

斷橋殘雪

絳雪山房詩鈔

卷十九

丙

蹇驢得得踏瓊瑤十載前游久欲描好倩丹青添個我一

鞭晴雪段家橋

掠地修篁爽氣清禪門分徑碧相迎之江卻有湘江勝萬

磴先秋作雨聲

韜光觀海

煉丹臺上御風輕醫俗偏饒望遠情白走長江青到海神

仙樓闕不分明

高士園林雪滿扉水邊春壓老漁磯日斜酒醒湖天曠有

客吟香下翠微

梅林歸鶴

丹砂白氈認依稀雲影迴翔一鶴歸賴汝天寒長作守芝

田飲啄不妨肥

贈朱石農

詩

市隱何妨混酒徒，形骸脫畧語言麤。笑他名利成韃鎖，幻  
取雲煙入畫圖。

石農善  
繪事

山水有情縈夢蝶，帶裳無處覓綬

狐。逋仙紙帳君知否？三百梅花一鶴孤。

石農新喪  
偶故調之

題彭芝庭尙書入學試卷後

尙書公諱啟豐，雍正丁未會狀年十六應重試。適  
吾鄉惠安林象湖先生諱之濬視學江南，取進蘇  
州府學第二，十名旋去任試卷攜歸。道光丁未秋  
詠莪學使校士泉州，先生四世孫伯生林春光持  
此卷來謁，距尙書公入學之歲已再週甲子矣。百

絳雪山房詩鈔

卷十九

五

年遺墨瞻仰如新韻事亦快事也。學使裝成長幅  
徵詩爲題八首

爲國求賢報

主恩談經溯委必窮源，名卿文采迴翔地。豔說尙書四代  
孫

校士溫陵力已殫，忽逢祖澤共驚看。遺篇此亦栢棬感，瞥  
眼金蛇歲月闌

獨持旗鼓上壇場，詞筆髫年便老蒼。想見兩廊風日麗，文  
瀾揮灑墨花香

似此鴻文不讓先，可知才藻競聯翩。盈川名後王珠樹，分

占唐人四傑賢

墨寶傳家費苦心狀頭聲價抵千金此中呵護煩神鬼不  
獨長林用意深

恰比歐公得老坡吾鄉先輩快如何百年歸璧談非易信  
有天緣作合多

宗風師範兩難忘燈火書堂勗就將畱取濃陰護桃李不  
教人笑陸莊荒

材大難爲俗眼知惟公辛苦事搜奇他年衣鉢芙蓉鏡重  
賦春風述祖詩

和張辛田大令七夕遇雨作

絳雪山房詩鈔

卷十九

六

不見雙星悄渡河玉階紈扇冷秋羅人間自怨迢迢夜天  
上應生淼淼波愁溼無鶯堪並坐噪晴有鵲待如何定知  
碧漢經年別添得天孫淚點多

君家曾載支機石爲到河源問女牛何事洗車還作響有  
人乞巧正登樓風微雲澹幾時曉地迥天高如此秋愧我  
巴渝難屬和黃姑一笑去悠悠

彭詠莪副憲進秩少司空仍畱督學奉賀

哲匠辛勤造士功頭銜崇進位司空榷楠品拔風塵外桃  
李春歸長養中豈必楚材皆晉用還憑地產亮天工閩川  
濟濟逢時彥棧樸歌詩頌我公

賤子欣聞亦展眉臣心如水

九重矧珊瑚網已三年下仙骨衣還一品披新杼織雲花  
別樣圓珠孕月海無遺幔亭咫尺神山近曾否輜軒訪武

夷

時公按  
試建州

林少穆制府以軍功加 宮保銜並戴花翎寄賀

迅掃欃槍捲甲奔連營饒吹入軍門千秋公論孚人望二  
代名臣荷

國恩幾輩能兼才識膽如公不愧德功言

宮銜崇進冠翎耀銀管書勛重掖垣

裘帶春容大敵場每於讀史契賢良膽寒西賊今韓魏威

絳雪山房詩鈔

卷十九

七

懾南人古武鄉淝水一軍心鶴警天山三箭臂猿張他時  
面目披圖畫好與凌煙試絜量

題江啟叔茂才

混

立馬雪中看嶽色圖

浩浩瓊山綴玉芽岱宗嵐影馬頭遮白迷春絮雙眸眩青  
憶天門一徑斜林壑奇觀開畫本乾坤清氣入詩家知君  
定有驚人句吞吐雲煙嚼雪花

磴道迴盤接碧天十年前夢挾飛仙河流北折真如帶海  
色東歸欲化煙紫緯奎婁跨齊魯蒼生霖雨遍瑛埏披圖  
令我神逾旺曾向巖頭振策先

游屐榕陰歷奧區主賓酬唱稱詩臞天空落響巖皆應腰



健登高杖不扶石鼓松篁開士界武夷星月列仙都可曾  
重覓荆關手添寫閩山立馬圖

歲叔出其友人寒燈製衣圖爲題三首

破屋小如蝸寒風饕似虎明滅短檠青中有孤兒苦兒寒  
母心悲兒疾母心憫朝朝成轆轤脈脈縈肺腑製兒新棉  
衣淚痕安可數

願兒交良朋磨琢資陶成願兒勤績學雲路飛先聲哲匠  
無棄木雅瑟非俗情放下金剪刀萬感一時并兒今慰母  
志藉藉揚令名

才郎江文通示我畫圖紙茅簷缺月橫秋聲在樹裏如睹  
絳雪山房詩鈔

卷十九

六

壁燈明如聞刀尺邇賢母與佳兒清風式閤里待表瀧岡  
阡我懷歐陽子

題山行冒雨圖

深泥墜葉滑谿澹花外春山露酒旗苦勸哥哥行不得鷓  
鴒聲裏雨如絲

浣雲郭姬彩琴趙姬合繡並蒂芙蓉戲題其上

秋菊春蘭各擅場瓊窻長日啟鍼箱底須塗抹閒脂粉自  
愛清姿出水鄉

幾回匿笑互評量鏡檻無人私語香並蒂何如交頸好爲  
卿添線繡鴛鴦

銚兒入郡庠書以勗之

涇渭判源流賢愚殊嗜好學海無津涯南鍼向導汝今  
列膠庠勤修爲汝告一得勿自矜盈科安可躁莫貽畫虎  
譏莫效虛聲盜光德取諸謙慢遊戒夫傲不學擲居諸無  
成嗟老耄試念父師恩此生何以報讀書志聖賢貴有堅  
貞操卽爲科名來華實須兼到何者爲堂皇何者爲宏奧  
齊夏叶步趨中和規履蹈左右資之深豈弟神所勞勗哉  
慎毋忘小子庶有造

題劉鴻甫邑侯 樞 小照卽送其移疾歸吳

易退襟懷有鶴知維摩示疾乞身時重經榕嶠歌來暮一

絳雪山房詩鈔 卷十九

九

別韓洋繫去思 鴻甫宰福安 宦海得歸原是福錢囊雖澀尙餘

詩畫圖何似新團扇近事吳中寫恰宜

踪跡蕭然退院僧西風琴劍整行滕寒香老菊迎新客涼

菜秋菘話晚燈白月冷侵雙鬢雪青山閒倚一枝藤曉來

指與兒曹看初日金盤出海騰 長岡煥筮仕閩中

和張辛田大令詠白桃花

舊夢湘園澹沲辰一甌皓露寫鮮新 前在楚南曾和唐竹谷湘上園白桃花詩

重來崔護霜雙鬢相對劉郎月滿身仙骨幾曾春帶醉瓊

胎畢竟畫難眞與君清供同吟賞溪水如雲訪故人

讀琴韻閣絳桃花詩卽用其韻

隔紗香氣掬氤氳霞綺飛來影不分丹鼎有方傳紺雪朱  
顏難老妬紅雲塵空仙觀沈沈暮竹夾唐宮簌簌紛何似  
蟠根山度索大千春色醉東君

過張襄愍公墓道

墓在西關外圓店

東南一柱鎖蛟龍水國提戈鼓角喧戰績至今昭海濫冤  
魂何處訴天閻苔花剝蝕穹碑峻野菜縱橫石獸蹲讀史  
爲公增感憤誰教虐燄熾權門

吳曉峯參軍

湛恩

航海圖

長風吹散一帆煙鹿耳鯤身在眼前海外爭迎賢父母人  
間得幾陸神仙成連琴曲移情後太乙蓮香入夢先認取  
絳雪山房詩鈔

卷十九

二十

楠枝紅萬頃男兒壯志事朝天

東偏廳事後手種梅花一株綠葉成陰高出簷外徘徊  
其下不能無詩

不獨花濃可入詩綠陰如幄畫尤宜數弓得氣春長在一  
笑巡檐我自癡惆悵夢醒香滿處徘徊風定月明時兒孫  
各有崢嶸角鹽鼎和羹說與知

絳雪山房詩鈔卷十九終

絳雪山房詩鈔卷二十

讀史偶詠

福州 楊慶琛 雪菜

季札

一代賢名萬古欽當年讓國轍重尋君蒿易繞思兒夢生  
死難渝挂劍心上國樂觀韶舞盛列卿交篤紵衣深煌煌  
麟筆親題字六尺豐碑重藝林

伍員

蘆中人去水迢迢國士襟期未易招入郢功名連戰捷鞭  
尸哀憤積年消簫聲當日誰青眼劍氣他年貫碧霄自是  
兩山龕赭束偏傳怒湧海門潮

絳雪山房詩鈔卷二十

范蠡

浮雲過眼上扁舟薪膽君臣願已酬三島神仙雙袖月一  
竿煙水五湖秋謀深帷幄金難鑄名署陶朱富可求他日  
有人來學步功成身與赤松游

屈平

逐臣忠憤氣難磨九辯餘聲繼九歌命不逢辰才見妬天  
如可問壁重呵騷人紉佩宜蘭杜山鬼餐香有薜蘿曾向  
楚南三載住西風木葉感湘波

樂毅

杖信懷仁大將身如何市虎竟疑人郭隗自合開先路騎

劫安能步後塵兩國聯歡名父子尺書流涕舊君臣西風  
落日層臺暮千古青丘色尚新

項籍

美人名馬兩如何淚落尊前一曲歌百二河山秦地盡八  
千子弟楚聲多興衰劉項天原巧成敗英雄論莫苛亞父  
倘聞休歎息長陵秋草沒銅駝

蕭何

能拋金帛取圖書此著先高衆不如刀筆何嘗無宰相家  
山只合買田廬開天日月依光近曳履星辰上殿徐莫笑  
暮年徒跣謝獵場功狗已誅鋤

絳雪山房詩鈔

卷二十

二

曹參

合口何須座右箴一杯醇酒抵緘金府中賓客聞聲少屋  
後園林得趣深此日功名善黃老當年旗鼓並淮陰平陽  
八葉誇流慶誰識宗臣掩覆心

張良

才貌何須出兩奇龍門脩史枉猜疑平生得力圮橋履出  
手驚人博浪椎逐鹿當年誰善將揚鷹以後此維師翩然  
曼嘯雲霄去不見韓彭殖殖臨時

陳平

車聲門巷玉丰儀小試烹鮮便不欺使我有權如肉宰問

君何食與糠宜位尊絳灌陰謀重功比蕭曹譎計奇從古  
薦賢蒙上賞黃金合賜魏無知

韓信

一語分羹信忍人情無父子况君臣頻年鼎鑊甘烹狗垂  
老功名不畫麟漂母有恩還重報將軍此獄果何因野雞  
毒手從公始太息淮陰胯下身

周勃

贖背強于百萬軍將軍能武不能文乘輿執戟誰持我左  
袒安劉早識君織薄吹簫都瑣瑣簿書錢穀枉紛紛他年  
細柳兵容盛重見兒曹又策勳

絳雪山房詩鈔

卷二十

三

賈誼

絳灌無文枉忌賢賈生才調自翩翩未陳國事先流涕欲  
試銛鋒爲少年秋雨客尋衰草宅斜陽鳥下楚江煙長沙  
未抵靈均憤何事龍門合傳編

蘇武

落盡旄頭見漢臣風霜遼海久酸辛冷氊關塞無歸路別  
酒河梁有故人寄遠何因得鴻雁論功眞合殿麒麟只憐  
降將登高淚辜負男兒報國身

司馬相如

賤不相憐貴使趨王孫俗眼可胡盧倘無封禪畱遺稿何

礙文名冠漢都內苑千金才子賦遠山一角美人圖  
檀花桃竹臨邛路欲訪春風舊酒壚

張騫

乘槎有客泛玻瓈一水盈盈與月齊織女黃姑銀漢外蒲  
桃邛竹玉關西酒泉置郡梯航遠使節通天金幣齎萬里  
昆侖翹首望唐蒙未許共攀躋

司馬遷

金鑕奇書禹穴銘文章靈氣走風霆可憐蠶室冤誰白難  
得蛾眉眼獨青小雅哀音尊信史名山世業踵遺經濃香  
分與班生去椽筆雙枝重漢廷

絳雪山房詩鈔

卷二十

四

朱買臣

山徑歌聲樂不疲風霜樵擔老頭皮詩書味厚生涯薄富  
貴來遲骨肉離繡服自知君貶重銅章未許酒徒窺如何  
苦報同官怨不記播間一飯時

東方朔

三千奏牘壯詞瀾莫與溷于一例看天上容偷仙果易人  
間能識歲星難生陪越祝祠雞骨死笑文成食馬肝卻使  
侏儒矜獨飽君王枉自覓金丹

朱雲

錚錚殿上語驚人一劍飛來斷佞臣何止談經摧鹿角居

然矢口逆龍鱗傳薪此日遴嚴望合傳他年得子真者宿  
聲名狂直操長雷輯檻風朝紳

霍光

將軍勛業與誰齊赤手扶危得日禪異姓有卿同貴戚御  
家無術可刑妻委裘圖在雷眞面刺背機深竟噬臍解識  
入官須學古書堂悔不共吹藜

鄧禹

少年能識劉文叔物色風塵眼獨青杖策元勳千百戰傳  
家世業十三經功名汗簡光前史面目雲臺首列星奕葉  
圭封東漢盛一門誰與並芳馨

絳雪山房詩鈔卷二十

五

馮異

伐棘披荆鎮孟津恩猶父子義君臣能教大樹分威號合  
使宗親識將身謙德早孚銅馬帝乾綱首勸赤符辰蕪蕪  
豆粥滹沱飯此意追思倍感人

馬援

百戰威名柱鑄銅至今交趾有英風少游豈識飛鳶站杜  
保徒勞畫虎工鞍馬五溪餘鬻鑠珠犀南土誤英雄椒房  
不與雲臺數此論當年究未公

嚴光

富貴功名一羽毛將星那及客星高故人爲帝身甘賤得



堦如君尉亦豪孤棹雨暄殘夜瀨寒江雪漲老漁篙富春  
究在紅塵內曷不靈山去釣鼈

梁鴻

四皓歌成繼五噫伯通廊廡得君奇何人能解耕桑樂此  
志難爲燕雀知地下論交聯俠骨生前擇偶重齊眉只憐  
椎髻扶風老回首吳雲涕淚垂

班固

將軍東閣廣招賢虎觀諸儒愧比肩文武通材兼弟妹朝  
廷史筆繼談遷門無肖子基先壞家有狂奴禍始延太息  
據鞍磨盾手燕山碑版已風煙

絳雪山房詩鈔

卷二十

六

楊震

三鱣堂構守遺經謹論忠言見典型清節粹如秋水白靈  
源分自華山青帝知點素蠅先集人詫臨喪鳥亦停千載  
關西有夫子不須惆悵夕陽亭

蔡邕

國賊燃臍事快哉如何感喟獨徘徊當時未許修良史衆  
口爭傳惜異才爨下桐聲知已淚月中笳吹女郎哀是非  
身後憑誰管賸有盲翁負鼓來

禰衡

曹瞞尙不能容物黃祖何緣解識君可惜三搥沈妙摻空

令一鶚負雄文芳洲碧草餘鶻鷃怒浪長江想鼓鼙記得  
扁舟墳外過秋聲如雨不堪聞

諸葛亮

氣吞魏賊智和吳管樂何曾足並驅丞相如龍蜀如虎江  
山成鼎石成圖蠻方有鼓臣躬瘁將壘無星漢業孤讀到  
出師前後表西風五丈可勝吁

龐統

傑士胸襟未易猜琴聲彈上耒陽臺鳳雛早荷羣倫鑒驥  
足原非百里才入世名將諸葛並知兵身向錦官來南州  
冠冕今誰是惆悵西風鐵弩開

絳雪山房詩鈔

卷二十

七

趙雲

完君骨肉亂離間匹馬當陽百戰艱懷裏呱聲劉幼主軍  
前威號趙常山奸雄尙惛渾身膽智勇能全老將顏獨惜  
街亭公未去枉教名士淚潛潛

管幼安

海外高人管幼安翛然野鶴地天寬科頭一過風波惡清  
操千秋冰雪寒位置何由屈龍尾聲名應不讓豬肝子魚  
多少虧心事始信人生擇友難

周瑜

大江旗鼓萬營開誰似風流此將才一曲笙歌雙眼顧深

宵環珮小喬來火燒漢賊三分定年比孫郎兩美哀何事  
女戎興大計蛟龍不許得雲雷

姜維

屢伐無成兵太勞西川門戶擁旌旄傳心諸葛功難紹  
語陶朱計亦高已見降輿銜白璧猶思炎漢挽金刀北來  
諸將須阮盡到底將軍膽氣豪

羊祜

不礙交權鎮上游指揮襄沔控荊州一環可證三生幻片  
石能教萬淚流藥豈鳩人心共諒裘須緩帶度彌優洛陽  
青蓋江東版早爲君王計畫周

絳雪山房詩鈔

卷二十

八

杜預

古來名將本名儒武庫先聲德望孚南土有歌翁代父北  
軍飛渡晉平吳春秋癖好窮經老陵谷勳威勒石麤昔日  
同功今並祀羊公合與杜公俱

襄陽城外  
有羊杜祠

張華

曾荷鮮于眼最青司空雅望鎮朝廷多文博識眞經庫亂  
世高官豈福星張翰秋鱸期已誤陸機唳鶴悵難聽何如  
清閨嫺嬛地長伴雙龍睡不醒

張翰

颯颯秋風夜捲衣江鄉蕪美更鱸肥由來適意惟行樂那

管閒評說見幾畫舫調琴嘉客共深山采蕨故人稀多才  
亂世知何補但戀浮名計已非

王導

江東草創費精神賴有夷吾士氣伸王室安危須鎮靜神  
州尅復任艱辛污塵一扇麾元舅良友千秋負伯仁笑煞  
朝廷殊禮錫犢車塵尾爲何因

陶侃

忠孝由來道不殊酒懷悽愴約提壺竹頭木屑經綸在鶴  
客龍梭變化俱事業已成騎虎勢光陰休付牧豬奴武昌  
千樹垂楊柳可似甘棠蔽芾無

絳雪山房詩鈔

卷二十

九

溫嶠

英雄本色古今難軼事流傳亦壯觀江渚犀光沈黯黯鏡  
臺春影笑姍姍忠誠貫日書猶在慷慨登舟淚未乾頗恨  
絕裾太剛烈功成不得老親看

卞壺

六龍家世匹金張正色巖巖立廟堂事到不虞奚用馬惡  
經爲蔓早憂狼青溪未浣心頭恨黃土空埋指爪香厥父  
死忠兒死孝浩然靈氣滿穹蒼

謝安

憂樂能同品始眞蒼生多少待斯人軍前合讓談碁手壁

後難爲入幕賓草木知威消勁敵江淮遺墟頌勳臣卽論  
瑣事蒲葵扇名士流風亦出塵

王羲之

烏衣子弟半如仙牛炙當時羨少年經世才因揮翰掩買  
山心在立朝先林巒佳日流觴曲富貴浮雲誓墓堅多少  
東牀誇快婿幾人忠鯁似公賢

王獻之

是父能生是子賢風姿入世賞翩翩迎歸桃葉春生樂彈  
罷桐徽月上絃晝寢書來新白練夜窻畱下舊青氈難兄  
清曠稱同調興到山陰雪後天

絳雪山房詩鈔

卷二十

十

陶潛

歸去來兮酒獨斟門橫楊柳壁橫琴一生與菊真同節三  
徑惟松識此心世上羲皇高趣少詩中歲月義熙深紫陽  
特筆還書晉書千秋有賞音

王猛

捫蝨何從索解人雲龍珍重待時身本原裕處經綸遠寵  
任專時意氣伸強國并安燕土字善鄰休議晉君臣淮淝  
若肯思遺囑風鶴安能幻作真

房元齡

軍門杖策識龍潛聳壑人將偉器覘先著獨收新俊傑微

詞空贊好鬚髯謀須能斷偕如晦藥不臨喪止士廉垂死  
尙憂家國計怎教袂不淚痕霑

杜如晦

不獨丹青學士賢功臣面目入淩煙材高梁棟無雙品名  
署蓬瀛第一仙春蘇模糊銘石字秋風惆悵食瓜年至今  
良相推房杜都在邢州陸澤先

魏徵

攀附何須責事讎一生苦口諫書修十思十漸源先慎師  
古師人鑑特優仆後無碑詳嫵媚生前有笏足傳流遼東  
不減輪臺悔始覺良臣計慮周

絳雪山房詩鈔

卷二十

七

褚遂良

頭顱不惜碎階墀苦口君前尼禍基勳舅果能如僕射宮  
廷何至立昭儀一身去國安危繫萬里投荒骨肉悲太息  
佳兒空付與忠魂畱滯愛州遲

狄仁傑

滄海明月拭目看鸞臺章疏重朝端長陵抔土回天易親  
舍飛雲潔養難鸚鵡夢醒雙翼振參苓儲早一囊寬採風  
更草吳門檄神鬼當年膽亦寒

姚崇

依然渭水比姜瓖講武新豐又獵場居澤舊游曾逐獸立

朝循績首除蝗周來已死銷鉗網韓宋同官重廟廊良相  
救時須應變莫將權諱肆評量

宋璟

不賞邊功不好名風規誰似宋文貞披鱗敢上危言疏舉  
笏難消積怨情中禁涉詞須待按五郎論爵合稱卿肝腸  
如鐵心如水知有梅花識廣平

張說

文章時望屬燕公三十年來著作工手筆生偕蘇許國心  
機遲遜死姚崇江山赴腕增詩思關塞休兵黜戰功凝碧  
池頭絃管盛可憐兒輩墜家風

絳雪山房詩鈔

卷二十

七

張九齡

一鑑千秋眼不糊如公亦鑑照賢愚能知林甫難爲相早  
料幽州亂此雛羽扇賦成秋篋冷瓣香恩到蜀山孤尙餘  
風度傾朝宇卜吉金甌得似無

韓休

峭鯁心情直不阿誰言志行只柔 and 打毬每問臣知否窺  
鏡其如帝瘦何獄斥僭踰仁有勇計安社稷道無頗韋平  
再世論勛業完靖東南受福多

顏杲卿

忠節同時得二難緋衣不著著南冠義旗卓處人心固舌

劍飛來賊膽寒承業擁兵空衛足履謙合志共披肝天津  
橋上三更月忍聽啼鵑血點乾

張巡

君臣名義一肩擔雀鼠烹殘人肉堪控制有功分郭李指  
揮同志得雷南空城坐困生無望侍妾知恩死亦甘今日  
睢陽祠宇重如公千載是奇男

許遠

松篁同操柏同貞寬厚曾膺長者名自是雙忠堪合傳如  
何異議忽騰聲糜僮未必殊烹妾摩壘還須仗守城不有  
昌黎文筆健一生心跡竟誰明

絳雪山房詩鈔

卷二十

三

郭子儀

免胄傳呼萬卒驚軍軫一騎靖胡塵門羅將相風雲會手  
挽乾坤日月新勳業西平重父子風波南宋亦君臣但論  
濃福兼耆壽青史如王有幾人

李光弼

安史氛消兵氣揚柳城毓秀佐興唐精神自奮鞭刀短耳  
目重新壁幟張死後美稱先武穆臨淮亦  
諡武穆生前崇績媿汾  
陽如何懼禍徵師日不肯披星赴帝鄉

李泌

黼黻難忘丹鼎砂紅梨一顆當餐霞煙雲養就神仙骨圖



史香深富貴家纔算白衣眞宰相早知藍面是姦邪人間  
骨肉難言事請聽黃臺誦摘瓜

杜甫

甫也詩篇卽史評吟成萬首鬼神驚江湖有夢依宮闕弟  
妹無家問死生夔府秋風悲鳥道花谿春水主鷗盟微之  
論說吾無取還把青蓮與抗衡

李白

莫道長庚在醉中長庚醉眼不朦朧爲耽邱壑借巢父能  
向塵埃識郭公采石夜酣宮錦月沈香春倚牡丹風墓田  
小謝青山好萬古詩名峙碧空

絳雪山房詩鈔

卷二十

十四

段秀實

千營一牒止奸謀勢急司農倒印投能使賊臣驚此笏不  
妨軍府戴吾頭生來忠孝關天性身外勛名付水漚太尉  
遺銜莊第賜九重恩遇及山邱

顏真卿

常山知否是吾兄嚼齒當年罵賊聲廿四郡中眞義士六  
千甲外有堅城歲寒不改蒼松操身老能完白首貞字字  
冰霜遺帖在千秋勁氣尙如生

李晟

拔柵威聲萬甲馳錦裘繡帽擁旌旗君猶蒙難身遑恤兵

不驚民將可知破賊重看功再造沈機能決策無遺傳家  
神速嫺軍法風雪漫天入蔡時

白居易

瀟灑胸懷忠盡忱負恩負國兩難任得居諫院言奚慙但  
目詩仙識未深江上琵琶遷客淚湖西楊柳長官心文饒  
何事難迴念輸與雞林字字金

陸贄

戡難興元賊易平詔書感泣借先聲歧途尋處金曾費內  
相呼來帝不名九弊杼誠愛君國千言灑翰壓公卿劇憐  
瘴雨蠻煙地檢點神方了此生

絳雪山房詩鈔

卷二十

五

裴度

延英抗論對丹宸親督全師國恥伸入蔡勳名歸聖相立  
朝威望仗宗臣降嵩申甫黃扉重行地神仙綠野新七十  
五齡耆福備古今輪指幾完人

韓愈

雲漢爲章錦作裳千秋北斗有輝光髡縮詆盡鱗堪逆雷  
雨驅來鱷不強關草文風開百粵迴瀾手筆冠全唐平生  
頗惜潮州表鏤牒巡山過頌揚

李德裕

得君容易展才猷六載鈞衡相業優丹宸有箴陳黼座蒼

生何幸託名流官銜未抵當前賞黨禍終階異日憂惆悵  
平泉花月夜更誰飛夢到崖州

司空圖

踪跡猶能重綠林薇垣獻替只丹忱煙霞自痼還山癖金  
紫難回墜笏心仙界三千無俗骨詩評廿四有高吟王官  
谷口休休室一片深雲何處尋

韓偓

桐花萬里鳳飛聲少小裁詩韻便清國有親臣能料賊帝  
知學士每煩卿堅辭相位甘居後多事香奩爲嫁名垂老  
閩南飄泊地箱巾蠟淚不勝情

絳雪山房詩鈔

卷二十

六

曹彬

戰骨如麻泣路塵知公此念早書紳關河西蜀收功迅兵  
火南唐造福頻靈性晬盤文濟武慈心軍府勇能仁三千  
甲楯無聲立名將家風有替人

楊業

無敵將軍下太原干戈百戰老邊垣鋒鏑不避身先卒甘  
苦能同衆感恩陳谷恨無珠弩翼燕山賸有赤心存三關  
兒輩談兵地重把殊勳屬將門

呂端

垂餌磻溪問釣徒天章曾荷主恩殊繫心能使三邊靜經

眼纔聞萬歲呼幾見養深形喜怒果然事大不糊塗清名未讓萊公獨欲起樓臺有地無

李沆

甲科嘉士賜金錢讜論忠言作相年丁謂有才難在上繼遷未死合防邊頽垣損壁居非隘封岱祠汾識最先信是聖人能料事風規猶想笏朝天

寇準

城上紅雲雉尾開澶淵功業自恢恢生前清節樓無地身後春風竹有胎讀史每深孤注恨拂鬚翻釀長官災如何不慰門生望辜負張公謂我來

絳雪山房詩鈔

卷二十

七

狄青

陣雲如海令如山名將知書度較嫺敢擬聯宗攀貴胄不妨湏面侍朝班金刀銅具朝酣戰蠻鼓春燈夜奪關智勇由來源孝友板輿榮養奉慈顏

韓琦

髻年風骨已籠紗先兆曾聞吉語譁日下瑞雲春殿榜座中金帶綺筵花邊防威並希文重相業名同潞國誇自是蓋臣難結舌苦爭新法誤天家

富弼

鸞鶴旌旗下紫清此才王佐本天成燕雲報幣廷爭毅綸

閣宣麻衆喜并冰炭力陳交長勢  
雨風深徹倒懸情可憐  
洛下求醫地但聽耆臣仰屋聲

文彥博

四朝元老荷殊恩奇錦何須結掖垣  
文武勳猷全備少衣冠耆宿畫圖尊  
帝知社稷臣無忝天與年華福有根  
讀史至今豔牙齒潞公千載貌如存

范仲淹

早將巨擔一肩任立志當年便足欽  
澹泊襟懷公輔器後先憂樂聖賢心  
胸中兵甲聲先振吳下莊田澤最深  
他日忠宣廉恕曷知公庭訓卽官箴

絳雪山房詩鈔卷二十

六

趙抃

鐵面朝持驄馬鞭錚錚風骨侍臺前  
一肩琴鶴初歸蜀五夜旃檀足告天  
幾見臯夔曾苦讀合將僑胥與論賢  
衢州城外桐江水賸有清風載碧漣

歐陽修

昌黎以後此通儒力挽狂瀾與古娛  
燈火史才偕小宋風塵名士識三蘇  
亭前醉眼壺傾綠夜半神衣筆點朱  
我讀瀧岡阡上表掩編搔首幾踟躕

蔡襄

四賢詩句燭星台不獨書名徹九垓  
兩字宸章珍異寶一

封諫疏棟羣才衙齋畱蔭松陰重海嶠評香荔譜開我過  
萬安橋上看泉山如畫壓潮回

司馬光

瀝膽披肝殿陛中相臣識見衆難同馬前聚語畱生我天  
下何人不識公苟悅豈稱賢撰史王珪莫敢議追崇他年  
端禮陳碑後尙免鐫名到石工

宋祁

天上曾呼小宋名蓬山何意得卿卿已諧銀漢三星願多  
事春江半臂情紅杏愛吟才子句玉釵聞喚狀元聲燈宵  
舊事今誰念椽燭蠶鹽各弟兄

絳雪山房詩鈔

卷二十

九

蘇軾

大筆淋漓膽氣俱銅絃鐵板唱髯蘇韓歐以後難爲作笠  
屐于今尙有圖江上笛聲迴客棹月中水調夢仙都奇才  
自合金蓮撤何事黃州借鬼娛

林逋

萬樹梅花骨自馨昔年曾讀墓門銘水光一曲觀魚港雲  
影三椽放鶴亭封禪無書人絕俗橫斜有句筆通靈先生  
負立紅塵表大好湖山作畫屏

陳東

世無怕死敢封章太學書生義氣揚去國勢難安伯紀殺

身寃竟及歐陽綱常有託忠魂在富貴何爲鐵像傷依舊  
城開言路閉怎教南渡不滄桑

李綱

大名千載峙崔嵬南仲汪黃安在哉百折不磨忠義氣七  
旬未盡相公才身存遠繫邊人望敵至纔聞言路開今日  
松風堂下拜精靈如載暮潮來

宗澤

天生將相足防金伯紀同朝有汝霖抗疏力陳遷幸失出  
師終仗智謀深可堪讒閒憎多口空使英雄淚滿襟讀史  
至今餘感喟半生辜負過河心

絳雪山房詩鈔

卷二十

辛

趙鼎

是真宰相濟時艱任患奚堪處退閒九死有心關廟社半  
生餘氣壯河山魂銷漳嶺韓江外名在希文伯紀閒太息  
秦頭能壓日不畱倔強老容顏

韓世忠

江上紅顏擊鼓聲橫流艫艦八千兵廟中袍影生原幸畫  
裏刀瘢數不清寃獄獨爭三字苦壯懷空負兩宮迎湖山  
便了平生事驢背英雄老有情

岳飛

馬角冰天恨不禁金牌猶誤敵成擒君王已遂飛龍願承

相原無縱虎心三字奇寃憐黑獄千秋遺臭累烏金格天  
閣上陳詩夜枉把車攻得得吟

趙汝愚

前星絢采耀丹宸國事倉黃膽識真能爲危疑持大計忍  
教流竄了閒身升龍授鼎占終驗江月天風句有神

江月不隨

流水去天風直送海濤來忠定登鼓山絕頂句也朱子爲刻天風海濤四字於石

自是宗臣賢最

著南園吠犬又何人

陸游

南渡推公一俊才立朝侃侃凜風裁壯心豈願詩人老鄉  
夢還隨峽水來形影愛分花下立精神圖向扇頭開王師  
絳雪山房詩鈔卷二十

主

北定中原語祭告猶餘雪窖哀

張世傑

海陵巨浪作山看南宋庚申局已殘尙欲有爲成畫餅可  
憐無力障狂瀾孤臣板蕩千艘沒窮海倉黃一旅難樓櫓  
香煙兵士淚長懸曠日照心丹

陸秀夫

瑣尾流離國步艱宵衣拭處淚痕潛茫茫身世風濤外草  
草朝廷嶺海閒正笏獨持舟社稷擎天欲挽宋河山千秋  
甲子門前水鳴咽聲中恨未刪

文天祥



散去歌姬罷酒卮，勤王幕府仗敷施。殿廷有策丹心在天，地無情碧海知絕塞。孤魂歸鳥啣殘山，餘憤入琴絲。瀟瀟夜雨青原寺，苦憶先生獨宿時。

趙孟頫

芳草王孫恨未賒，玉堂天上夢初遐。閨門師友成千古，翰墨因緣自一家。侵戶徘徊松影直，掩關惆悵水聲譁。蒼溪尙有青山在，憶否秋風好種瓜。

余闕

小孤勢急走軍書，清水池塘照影虛。萬古日星心未死，一門忠節世誰如。風雲猶想登陴後，山水曾經換劫餘。慙愧絳雪山房詩鈔卷二十  
老臣危太樸履聲橐橐上階除

楊維禎

彝鼎雲雷古翠韜，萬梅萬卷兩周遭。醉中墨寶飛黃絹，方外神交有碧桃。霞采紅辭鸞詔下，雪花白上鳳琶高。華陽羽客神仙眷，鐵笛空山老更豪。

倪瓚

孤潔生來侶鶴翔，傳杯詎肯縱輕狂。罵塵謝絕雲煙迥，秘閣清閒日月長。畫爲眼空難著墨，身因世濁愛熏香。千秋藉藉倪高士，合與逋仙細量量。

劉基

牧豎何爲一拜嚴人才江左重虬髯運籌帷幄同諸葛開  
國文章埒宋濂風雨空山榭舍冷英雄末路酒棋兼可憐  
藥竈蕭蕭夜拳石難消腹裏砭

方孝孺

烽火金川燕子飛賴公名教得依歸成王子弟今安在晁  
錯謀猷未遽非書種銷沈天下慟朋交延戮古來稀忠魂  
上訴丹閣泣應向滇南訪衲衣

鐵鉞

濟南一旅有忠臣慷慨登陴義憤伸虎病空勞頻策畫燕  
飛肯使過城闌伏橋勢險幾擒趙蹈海心堅不帝秦贏得

絳雪山房詩鈔

卷二十

三

報功湖上社年年簫鼓薦香蘋鐵公祠在濟南府城內大明湖上荒廢已久余任東

藩日修復舊觀以妥神靈

于謙

紫荊烽急勢倉黃曾繫苞桑奠帝鄉貔虎九門宣節鉞波  
瀾一柱鎮金湯占星竟灑孤臣血酌酒能迴義士腸千載  
西湖雙少保于墳香並岳墳香

楊慎

綵管酣春爛似霞翩翩公子擅風華兩番杖下爭臣疏一  
甲臚傳宰相家終歲丹鉛宵擁燭餘生脂粉醉迷花每吟  
飛雁衡陽句香閣清才玉不瑕

楊繼盛

報國全憑一膽強，鬚眉男子有肝腸。舉朝洵洵爲鷹犬，兩  
疏巖巖觸虎狼。歎段夢歸冤卒雪，圍扉風過鎖猶香。鈴山  
亦並椒山顯，遺臭流芳試较量。

戚繼光

十六年中糗糒儲，戚家軍竟岳家如。邊垣烽靜農耕樂，上  
將功高國患紓。百戰平倭資勁旅，一編紀效著新書。椒香  
記串團圞餅，尙有威名挂里閭。

戚公征倭時屑麥爲餅以  
給軍士後沿其製日光餅

海瑞

海南長就雪霜柯，象笏橫腰性不阿。敢上諫書非便遁，不

絳雪山房詩鈔

卷二十

雪

懲墨吏待如何，山中雞黍蕭條甚。江上衣冠涕淚多，七十  
四齡清介節配他包老作閻羅。

文徵明

潑墨揮毫事絕工，層霄峻骨世誰同。自知詞客尊科第，不  
信先人友相公。遭雨衣曾微亮節，卻金亭早表清風。崇名  
千載深瞻仰，猶把衡山並華嵩。

董其昌

飄然遠引作鸞翔，豈爲萁鱸返故鄉。前輩風流袁海叟，名  
家書法米元章。心通禪趣身超俗，舌有靈根語擅長。持較  
吳興三絕勝，尙書出處重巖廊。

史可法

偏安難作小朝廷江左惟公足典型異代重逢文信國殘  
山遺恨阮懷甯孤臣蹇蹇忠無補四鎮昏昏夢未醒淒絕  
二分明月夜梅花香徹竹西亭

息媯

唱罷宮門破鏡歌靡蕪香夢杳煙蘿口緘別有心傷處春  
好能如眼淚何難逐墜樓飄脂粉未甘化石立層坡只今  
漢水東風外依舊桃花結子多

西施

蛾眉螭首齒瓠犀難得邨娃色色齊越國河山孤綫繫吳  
絳雪山房詩鈔卷二十

五

宮脂粉萬花低樓臺魂夢消歌舞兒女恩讐付笑啼畱得  
苧蘿遺蹟豔一奩春水浣紗溪

虞姬

漢將謀成霸業空虞兮一劍答重瞳淚傾楚帳甘和酒魂  
作名花尙舞風後日墜樓同決絕當前蓋世自英雄何如  
宮禁悲人斲讀史千秋笑乃公

李夫人

落葉哀蟬曲已殘珠襦甲帳不勝寒死猶固寵偏蒙破生  
爲傾城得盡歡奩鏡影開花隱隱蕙蕪香遠步珊珊宮嬪  
莫便傷朝露他日堯門作母難

班婕妤

競說當熊氣概豪班妃才德更雙褒宮闈尙卻同車載神  
鬼何須枉訴勞長信月明蟲語細昭陽風暖燕飛高篋中  
團扇應珍重忍聽驚秋棄弁髦

卓文君

才色當年兩擅名白頭吟詠遠山情富豪難得安貧賤放  
誕何能計重輕開甕鼻先酣酒趣倚窻心只識琴聲劇憐  
病榻秋風夜未免求凰累愛卿

明妃

臨行纔覺好容華堪笑君王選畫差較勝蛾眉宮婢老不  
絳雪山房詩鈔卷二十

五

妨馬首塞雲遮吹殘感築穹廬月壓倒臙脂玉帳花一去  
紫臺千古豔未應幽怨訴琵琶

班昭

大家閨範重東京箕帚年來婦道明百代垂型師誠女一  
門修史妹成兄戶宗禮法持躬慎篇著書銘立論精多少  
珩璜甘北面扶風絳帳有先聲

曹娥

女巫竟作楚靈均十四孤兒憤欲伸風雨一江沈醉骨魚  
龍萬頃護貞身浮屍不改孩提性歷劫能全父子親贖得  
殘碑捫蘚讀外孫幼婦語翻新

蔡文姬

秦灰冷後誌蟲魚巾幗鬢眉學有餘亂世難完貞女節奇  
才能讀古人書當風琴曲停絃後咽月笳聲入塞初台配  
大家修漢史香閨功不負經畬

孫夫人

侍婢刀光背燭開劉郎春色怯天台恩仇兩國歸公論兒  
女千秋幾將才漢時暮雲傷白帝吳宮寒雨悵青苔我曾  
靈澤祠前拜親見明璫翠羽來

夫人祠在蕪湖額曰靈澤  
余任監司時春秋致祭

綠珠

碧玉紅綃伯仲閒明珠十斛買春山恩情不負輕生死簪

絳雪山房詩鈔

卷二十

七

絳猶難况髻鬟衛尉園林春寂寂颯風環珮淚潸潸祇今  
啼鳥飛花暮愁看殘香萬點殷

謝道韞

芝蘭玉樹列成行繡闥鞦韆絲亦有光障可解圍重難客雪  
原如絮不飛香閨中語妙才真逸林下風清節自彰甲馬  
無靈鯨浪急可憐天壤此王郎

蘇蕙

夢中夫婿幾疑猜妙緒靈心觸手開未必佳人都薄命須  
知造物忌多才吟成錦字絨愁去抽得情絲織淚來如此  
閨幃應下拜寶酒何事寵陽臺

木蘭

東南鞍馬赴郵籤拋盡緘箱與鏡奩誰辨雌雄雙兔走居  
然忠孝一身兼思親淚向黃河落苦戰愁看白骨添駝背  
歸來成獨笑春山依舊上睂尖

楊貴妃

芙蓉楊柳感如何南內歸來憶笑歌五隊旌旗喧輦道三  
秋瓜果拜星河來生夫婦良緣幻上界神仙比翼多雲海  
沈沈瓊闕曙鈿釵香記手摩挲

花蕊夫人徐慧妃

玉骨冰肌畫裏仙雲房水殿影鮮妍春心淺絳花如貌宮  
絳雪山房詩鈔卷二十  
體新詞錦作牋十四萬軍慚下馬三千里路悵聞鶉夜深  
一掬承恩淚偷灑青城道士前

梁紅玉

鼓聲槌落大江雲十萬強金鏖戰紛鐵騎夫君先遏敵紅  
顏娘子亦能軍苗劉氛起長驅迅士卒勞深織薄分獨惜  
張穰邀帝鑿不教青史與同芬郭翼雪履齋筆記張俊愛  
張穰涉書史柘臬之役  
俊發書囑以家事姬引霍去病趙雲以  
堅其心俊以其書繳奏上親書獎諭

管道昇

閨閣清才管仲姬重和泥水一情癡幾竿竹色疎描墨永  
畫茶香細嚼詩有堵如仙眞福分此生不櫛亦男兒鷗波

亭外團圓月照見聯吟並影時

秦良玉

紫馬桃花白桿兵一軍娘子錦官城建劔合據溪山險辦  
賊先推組練精六尺鬚眉羞粉黛九重恩遇邁公卿至今  
驅轂春明路豔說川西石砮營

絳雪山房詩鈔

卷二十

完

絳雪山房詩鈔卷二十終



跋

楊雪棊先生以名進士起家官至光祿寺卿致政歸卜居於古僊宮里鍵戶讀書人罕見其面惟舊雨求通者闔人弗敢拒也胸無城府坦易可親獎掖後生疊疊不倦束髮後卽嗜爲詩自京宦以及馭歷外臺暇輒爲擁鼻吟茶熟香溫墨花滿紙可想見其雅人深致矣近始衰平生所作躬自刪訂釐爲二十卷付諸手民以傳於世當代巨公長德宣揚雅韻提闡仙心已極周至何煩小子更贅一辭而先生沖襟淵抱不擇細流敦促再三命加題識嗟乎道微一介寒士耳曳東郭履卧仲卿衣無足爲先生重獨念先

絳雪山房詩鈔

跋

生拔之風塵勤於拂拭矜寵逾恆誼同骨肉齒牙屢挂名播公卿則道微固宜感深推轂慕切執鞭又何必懷慙樸拙拘拘以不文辭絕弗申其知己之忱哉用書數語敬附名篇俾後之讀先生詩者知逢人說項之風於今其猶未沫云爾

道光戊申孟夏旬有二日同里後學王道微頓首拜跋

